

四庫全書

集部

欽定四庫全書

集部

古詩紀卷百五

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣李廷對

欽定四庫全書

古詩紀卷一百

明 馮惟訥 撰

梁第二十七

劉峻

字孝標平原人年八歲與母沒於魏齊永明中奔江南爲蕭遙欣荆獄梁天監初召入西省典

校秘閣普通三年卒
門人謚曰玄靜先生

登郁洲山望海

滄溟照霄岫層嶺鬱巔峴下盤鹽海底上轉靈鳥翼溟
渺非可辨鴻溶信難測輕塵久弭飛驚浪終不息雲錦

曜石嶼羅綾文水色

自江州還入石頭詩

藝文作劉峻英華次元帝後而逸其名或以爲元帝

詩非也

鼓枻浮大川延睇洛城觀洛城何鬱鬱杳與雲霄半前
望蒼龍門斜瞻白鶴館槐垂御溝道柳綴金隄岸迅馬
晨風趨輕輿流水散高歌一作唱梁塵下絙瑟荆禽亂我
思江海遊曾無朝市玩忽寄靈臺宿空軫及關歎仲子
入南楚伯鸞出東漢何能栖樹枝取斃王孫彈

始居山營室

外編作始
營山居

自昔厭諠囂，執志好栖息。嘯歌棄城市，歸來事畊織。
鑿戶闢嶢嶢，開軒望嶄嶄。激水簷前溜，修竹堂陰植。
香風鳴紫鸞，高梧巢綠翼。泉脈洞杳杳，流一作沈波下不極。
仿佛玉山隈，想像瑤池側。夜誦神仙記，旦吸雲霞色。
將馭六龍輿，行從三鳥食。誰與金門士，撫心論胸臆。

出塞

薊門秋氣清，飛將出長城。絕漠衝風急，交河夜月明。
陷

敵攬金鼓摧鋒揚旆旌去去無終極日暮動邊聲

劉霽

字士湮一云士烜平原人天監中歷仕尚書主客侍郎海鹽令居母憂廬墓側以哀卒

詠荔枝

叔師貴其珍武仲稱斯美良由自遠致含滋不留齒

劉綏

按劉綏平原人爲湘東王記室未知是否史云劉綏清虛遠有氣調風流迭宕名高一府

敬酬劉長史詠名士悅傾城

不信巫山女不信洛川神何關別有物還是傾城人經

共陳王戲曾與宋家鄰未嫁先名玉來時本姓秦粉光

猶似面朱色不勝脣遙見疑花發聞香知異春
釵長逐鬢髮小稱腰身夜夜言嬌盡日日態還新
工傾荀奉倩能迷石季倫上客徒留目不見正橫陳

江南可採蓮

古辭曰江南可採蓮因以爲題云

春初北岸涸夏月南湖通卷荷舒欲倚芙蓉生即紅
櫂小宜迴逕船輕好入叢釵光逐影亂衣香隨逆風
江南少許地年年情不窮

看美人摘薔薇

詩彙作劉琰按劉綬爲湘東王記室元帝亦有此詩當作綬也

新花臨曲池佳麗復相隨
鮮紅同映水輕香共逐吹
繞架尋多處窺叢見好枝
矜新猶恨少將故復嫌萎
欒邊爛慢挿無處不相宜

奉和玄圃納涼

清氣流暄濁非關狹室中
當由小堂上自有大王風
焦螟動蘭室神飈起桂叢
披襟深睿賞曲巷何由同

和晚日登樓

藝文作
劉綬

所以登臺榭正重接烟霞長絲

一作虹

觸欄斷歸鳥避窓

斜俯巢窺暝宿臨樹摘高花百雉時方晚九層光尚賒

雜詠和湘東王三首

秋夜

藝文作秋閨

樓上起秋風絕望秋閨中燭溜花行滿香燃奩欲空徒

教兩行淚俱浮粧上紅

冬宵

藝文作閨怨

別後春池異荷盡欲生冰箱中剪刀冷臺上面脂凝纖

腰轉無力寒衣恐不勝

寒閨

不堪寒夜久夜守空牀
衣裾逐座禡釵影近燈長無
憐四幅錦何須辟惡香

劉瑗

左右新婚

詩彙作
劉緩

小史如初日得婦類行雲
琴聲

律祖作
綺琴

妾曾聽桃子

律祖

作細
桃

堦經分蛾眉參意畫繡被共籠薰
偏增使君妬無

趣遣相聞

律祖云可憐雙美
合休持惱使君

在縣中庭看月

移榻坐庭陰
初弦時復臨
侍兒能勸酒
貴客解彈琴
栢葉生鬟內
桃花出髻心
月光移數尺
方知夜已深

新月

仙宮雲箔捲
露出玉簾鉤
清光無所贈
相憶鳳凰樓

劉顯

字嗣芳沛國相人幼敏慧嘗爲上朝詩沈約見而美之官尚書左丞仕至尋陽太守

發新林浦贈同省

回首望歸途山川邈離異落日懸秋浦歸鳥飛相次感
物傷我情惆悵懷親懿

裴子野

字幾原河東聞喜人梁武帝以爲著作郎累遷中書侍郎鴻臚卿領步兵校尉在禁中餘

年嘿靜自守卒謚貞子

答張貞成臯詩

匈奴時未滅連年被甲兵明君思將帥方聽鼓鼙聲吾
生恣逸翮撫劍起徂征非徒慕辛李聊欲逞良平出車
既方軌絕幕且橫行豈伊長纓繫行見黃河清雖令懦

夫勇念別猶有情感子盈編贈握玩以爲榮跂子振旅
凱含毫備勒銘

詠雪

飄飄千里雪倏忽度龍沙從雲合且散因風卷復斜拂
草如連蝶落樹似飛花若贈離居者折以代瑤華

上朝值雪

沐雪欵千門櫛風朝萬戶集霰渝丹散流雲飄繡柱滴
瀝垂土膏闌干懸石乳

闕

陸倕

字佐公吳郡人慧曉之子十七舉秀才竟陵王開西邸延英俊倕預焉天監初爲安成王主簿

遷臨川王東曹掾武帝雅愛倕才官至揚州大中正遷太常卿卒

和昭明太子鍾山解講

終南鄰漢闕高掌跨周京復此虧山嶺穹隆距帝城當
衢啓珠館臨下構山楹南望窮淮潁北眺盡滄溟步簷
時中宿飛階或上征網戶圖雲氣龕室畫仙靈副君憐
世網廣命萃人英道筵終后說鑾轡出郊坰雲峯響流
吹松野映風旌睿心嘉杜若神藻茂琳瓊多謝先成敏

空頌後乘榮

以詩代書別後寄贈

藝文作贈
京邑僚友

余本水鄉士閉門江海隅時逢世道泰蹇足步高衢名
成宦雖立效微功日疎入仕乘肥馬出守擁高車關門
遊昔吏遷亭有故書江派資賢牧宗英出建旗不勞王
布鼓無賴露田車弼政非責實求名已課虛長卿病猶
在修齡疾未祛詎知亭長肉寧挂府丞魚不能未能止
內訟慙諸已僂僂從王事纚舟出淮泗朋故遠追尋暝

宿清江陰明旦一分手翻飛各異林歸舟隨岸曲猶聞

歌棹音行者日起遠誰見別離心夕次洌洲岸明登慈

姥岑水流多迴復余歸良未尋江關

一作中

寒事早夜露

傷秋草心屬姑蘇臺目送邯鄲道葭葦日蒼蒼親知慎

早涼劉兄消渴病休攝戒無良殷弟癩眩疾行止避風

霜劉侯有餘冷宜餌陟

一作休

釐方伏子多風咳門冬幸

易將率更愛雅體體弱思自強吏曹勉玉潤諷議勗金

相比部多暇日奚用肆龍章建德何爲者無墮無人鄉

記室朋從暇露蛄附行商議曹坐朝罷尺板嗣徽芳雙
栖成獨宿俱飛忽異翔眷言思親友沉思結中腸追惟
疇昔時朝府多歡暇薄暮塵埃靜飛蓋遙相迓李郭或
同舟潘夏時方駕娛談終美景敷文永清夜促膝豈異
人戚戚皆朋一作姻姬今者一乖離漼然心事差山川望
猶近便似隔天涯玉躬子加護昭質余未虧八行思自
勉一札望來儀

贈任昉詩

欽定四庫全書

古詩經
卷一百

南史曰昉爲御史中丞後進皆宗之時有彭城劉孝綽劉苞劉孺吳郡陸倕張率陳郡殷芸沛國劉顯及到溉到洽車軌日至號曰蘭臺聚

和風雜美氣下有真人遊壯矣荀文若賢哉陳太邱今則蘭臺聚萬古信爲傳任君本達識張子復清修既有絕塵到復見黃中劉

陸罩

字洞元吳郡人仕梁爲太子中庶子掌管記大同十年以母老求去母歿後位終光祿卿

採菱曲

參差雜荇枝田田競荷密轉葉任香風舒花影流日戲

鳥波中蕩游魚菱下出不與文王嗜羞持比萍實

奉和往虎窟山寺

和簡文

鷄鳴動睟駕柰苑睠晨遊朱鑣陵九達青蓋出層樓歲
華滿芳岫虹彩被春洲葆吹臨風遠旌羽映九旂喬枝
隱修逕曲澗聚輕流徘徊花草合瀏亮鳥聲適金盤響
清楚涌塔應鳴桴慧雲方靡靡法水正悠悠實歸徒荷
教信解愧難訓

閨怨

自憐斷帶日偏恨分釵時留步惜餘影含意結愁眉徒
知今異昔空使怨成思欲以別離思獨向縻蕪悲

詠笙

管清羅袖拂響合絳脣吹含情應節轉逸態逐聲移所
美周王子弄羽一參差

荀濟

字子通潁川人後居江左博涉衆書志調矯俗
初與梁武帝布衣相知及帝登位仕不及之濟

負氣曰會盾鼻上磨墨作檄耳帝深不平之後又
上書極詆佛法帝怒將加顯戮濟密逃於魏欲匡
靜帝事露爲齊文襄所執
燔殺之○見廣弘明集

贈陰梁州

梁州刺史陰子春左遷濟作大詩贈之文傳時俗
或稱于帝者帝曰箇人雖有才亂俗好反不可用
濟以不得志常懷悵快二
十餘載後因論佛法奔魏

副尉西域返伏波南海還坎壈多構難鬱悵少騰遷孰
云功未立寧是契不全直爲逢迎寡良由聽受偏若人
本高絕芬馥邁蘭荃驅車趨折坂匡坐酌貪泉洗幘豈
虛唱席皮良信然羣醉嫉孤醒衆強恐獨妍龍旗翻委
鬱鷁軸更迴遘鵠勢終橫海鵬力會冲天昔余遇知己

一面深千祀紆人重結襪辱德逾過市詩酒悅風雲琴
歌賞桃李淹留漢水曲契濶渝川涖結綬惟貢公推名
實鮑子徒然懷伏劍終無報國士高懷不可忘劍意何
能已已作金蘭契何言雲雨別咄嗟改容髣俄頃彌年
歲

叶蘇
絕反

海曲窮地表江源表天際

叶子
結反

雲泥已殊路暄

涼詎同節柳絮亟如絲梅花屢成雪月落桂陰遠風起
萱條結鶴舞想低昂鵬絃夢清切聞君戍靈關瓜時猶
未還數汎明月沿頻遊向

一作
當

日灣金碧應彷彿輪鏡

幾登攀復承西歸後將兵出湖口經過道路長往來日
月久玉體何容歇金漿故應有陽臺奇讌私章華堪置
酒既彈趙人瑟復擊秦人缶缶瑟多奇調秦趙饒姝妙
得意在雙眸傾城猶一咲伯喈恩一作思實早一作杜桂一作
天終少歿等盛姬傷存同魏車照君子篤久要宿昔盛
賓僚依依集鱗羽眷眷共枝條一朝限岐路萬里異波
潮容儀雖眇眇夢想尚昭昭新人不相識故人詎相憶
杳杳間山川迢迢阻音息各附青雲遠詎假排虛力風

月接歡宴酒醴承顏色安知慕傳者潺潺涕沾軾僕本
不平人悲愁眉亦頻年來空自老歲去不知春未能全
一作會體命於中欲問津五噫如適越十上似遊秦肌膚
積霜露精力倦風塵烏裘日日故白髮朝朝新人生感
意氣相知無富貴懷趙實廉頗思燕唯樂毅大選咆咻
士廣募嫖姚尉映月比刀環瞻星看劍氣郢路一迢遠
長楸幾欷歔渤澥水尚寬崦嵫日猶未丈夫志四海兒
女多辭費待余濟濁河從君宿清渭

殷芸

字灌蔬均之宗人昭明太子侍讀累遷散騎常侍左長史直東宮學士省大通三年卒

詠舞

斜身含遠意頓足有餘情方知難再得所以遂傾城

何敬容

字國禮廬江人尚齊武帝女拜駙馬都尉入梁累遷尚書令參選銓敎明審恪勤庶務太

清三

年卒

詠舞

因風且一顧揚袂隱雙蛾曲終情未已含睇目增波

江從簡

濟陽考城人革之子少有文名位司徒從事中郎侯景亂爲任約所害

採蓮諷

一作採荷調

樂府廣題曰梁太尉從事中郎江從簡年十七有才思時何敬容爲宰相從簡爲採荷調以刺之敬容覽之不覺嗟賞愛其巧麗

欲持荷作柱荷弱不勝梁欲持荷作鏡荷暗本無光

劉之遴

字思貞南陽涅陽人虬之子八歲能屬文十五舉茂才對策沈約任昉見而異之初擢太

學博士累遷南郡太守湘東王長史歷秘書監侯景之亂避難還鄉湘東王嫉其才送藥殺之

酬江總詩

梁書曰江總持幼便聰慧神采英拔甚爲瑯琊王筠范陽張纘南陽劉之遴所重之遴嘗酬總詩曰

上位居崇禮寺署鄰栖息忌聞曉騶唱每畏晨光施高
談意未窮晤對賞無極探志共遨遊休沐忘退食曷用
銷鄙吝枉趾覲顏色上下數千載揚摧吐胸臆

古詩紀卷一百

欽定四庫全書卷

古詩紀卷一百一

明 馮惟訥 撰

梁第二十八

虞羲

按本集序曰字子陽會稽人七歲能屬文齊始安王引爲侍郎尋兼建安征虜府主簿功曹又

兼記室參軍事天監中卒南史云羲字士光餘姚人有才藻卒於晉安王侍郎○詩品曰梁常侍虞羲詩梁建陽令江洪詩子陽詩奇句清拔謝朓常嗟誦之洪雖無多亦能自迴出

巫山高

南國多奇山荆巫獨靈異雲雨麗以佳陽臺千里思勿

言可再得特美君王意高唐一斷絕光陰不可遲

自君之出矣

自君之出矣楊柳正依依君去無消息唯見黃鸝飛關
山多險阻士馬少光輝流年無止極君去何時歸

送友人上湘

濡足送征人褰裳臨水路共盈一樽酒對之愁日暮漢
廣雖容舫風悲未可渡佳期難再得但願論心故沅水
日生波芳洲行陸露共知丘壑改同無金石固

詠霍將軍北伐

擁旄爲漢將，汗馬出長城。
長城地勢險，萬里與雲平。
涼秋八九月，虜騎入幽并。
飛狐白日晚，瀚海愁雲生。
羽書時斷絕，刀

音彫

斗晝夜驚。乘墉揮寶劍，蔽日引高旂。
雲屯

七萃士，魚麗六郡兵。
胡笳關下思，羌笛隴頭鳴。
骨都先自驚，日逐次亡精。
玉門罷斥埃，甲第始修營。
位登萬庚積，功立百行成。
天長地自久，人道有虧盈。
未窮激楚樂，已見高臺傾。
當令麟閣上，千載有雄名。

數名詩

一去濠水陽連翩遠爲客二毛颯已垂家貧無所擇三
徑日荒疎遙人心不懌四豪不降意何事黃金百五日
來歸者朱輪竟長陌六郡輕薄兒追隨窮日夕七發動
音容賓從紛奕奕八表服英嚴光光滿墳籍九流意何
以守玄遂成白十載職不移來歸落松栢

見江邊竹

挺此貞堅性來樹朝夕池秋波漱下趾冬雪封上枝葳

凝防曉露蔥蒨集羈雌含風自颯颯負雪亦猗猗金明
無異狀玉洞良在斯但恨非嶰谷伶倫未見知

春郊

光風轉蕙晦香霧鬱蘭津暄遲蝶弄蘂景麗鳥和春樵
歌喧壟暮漁樵亂江晨山中芳杜若依依獨思人

詠秋月

影麗高臺端光入長門殿初生似玉鈎裁滿如團扇泛
濫浮陰來金波時不見儻遇賞心者照之西園宴

橘詩

衝飈發隴首朔雪度炎洲
摧折江南桂離披漠北楸
獨有凌霜橘榮麗在中州
從來自有節歲暮將何憂

望雪

歲杪雲晝昏玄池冰夜結
遠風金河起吹我玉山雪

虞騫

會稽人工爲五言詩官至王國侍郎

登鍾山下峯望

冠者五六人携手巖之際
散意百仞端極目千里睇
疊

岫乍昏明浮雲時卷閉遙看野樹短遠望樵人細

遊潮山悲古塚

長林帶朝夕

一作霧

孤嶺枕江村疎松含白水密篠滿平

原荒墳改凍葉低壠變年根西光長櫓落促爾膝前尊

尋沈剡溪夕至嵒亭

命楫尋嘉會信次歷山原捫天上雲紉簪

一作攀

石下雷

奔澄潭寫度鳥空嶺應鳴猿榜歌唱將夕商子處方昏

視月

玉臺作何子朗詩
題云和繆郎視月

清夜未云疲珠簾聊可發泠泠玉潭水映見蛾眉月靡
靡露方垂暉暉光稍沒佳人復千里餘影徒揮忽

擬雨詩

詩彙作劉孝威者非

清風送涼氣薄暮蕩炎氛虹照漣漪水電出峯雲落
暉散長足細雨織斜文

江洪

濟陽人工屬文爲建陽令坐事死詩品曰洪詩雖無多亦能自迴出

和巴陵王四詠

採菱曲二首

以下三題藝文並作江淹今從樂府

風生綠葉聚波動紫莖開含花復含實正待佳人來
白日和清風輕雲雜高樹忽然當此時採菱復相遇

淶水曲二首

潺湲復皎潔輕鮮自可悅橫使有情禽照影遂孤絕

塵容不忍飾臨池思客歸誰能別淶水全取浣羅衣

玉臺

云誰能取淶水
無趣浣羅衣

秋風曲三首

先拂連雲臺罷入迎風殿已折池中荷復驅簷裏鷺

此首

玉臺不載

見藝文

孀婦悲四時況在秋閨內
淒葉留晚蟬虛庭吐寒菜
北牖風摧樹南籬寒蛩吟
庭中無限月思婦夜鳴砧

胡笳曲二首

藏器欲邀時年來不相讓
紅顏征戍兒白首邊城將
落日慘無光臨河獨飲馬
颼颼夕風高聯翩飛鴈下

詠歌姬

寶鑷間珠花分明靚粧點
薄髮約微黃輕紅澹鉛臉
發

言芳已馳復加蘭蕙染浮聲易傷歎沈唱安而險孤轉
忽徘徊雙蛾乍舒斂不持全示人半用輕紗掩

詠舞女

腰纖蔑楚媛體輕非趙姬映襟闌寶粟緣肘挂珠絲發
袖已成態動足復含姿斜睛若不眇嬌轉復遲疑何慙
雲鶴起詎減鳳驚時

和新浦侯齋前竹

本生出高嶺移賞入庭蹊檀欒拂桂棂蒨葱傍朱閨夜

條風析析曉葉露淒淒籜紫春鷺思筠綠寒蛩啼不惜
凌雲茂遂聽羣雀棲願抽一莖實試看翔鳳來

和新浦侯詠鶴

閒園有孤鶴摧藏信可憐寧望春臯下刷羽翫花鈿何
時秋海上照影弄長川曉鳴動遙怨夕唳感孀眠哀咽
芳林右憫默華池邊猶冀凌雲志萬里共翩翩

爲傅建康詠紅牋

雜彩何足奇惟紅偏作可灼爍類葉開輕明似霞破鏤

質卷芳脂裁花承百和且傳別離心復是相思裏不值
情牽人豈識風流座

江行

日沒風光靜遠山清無雲潮落晚洲出浪罷沙成文挾
琴上高岸望月彈明君去家未千里斷絕怨離羣

詠荷

澤陂有微草能花復能實碧葉喜翻風紅英宜照日移
居玉池上託根庶非失如何霜露交應與飛蓬匹

詠美人治粧

上車畏不妍
顧盼更斜轉
大恨畫眉長
猶言顏色淺

江祿

字彥遐濟陽人爲太子洗馬湘東王錄事參軍後爲唐侯相卒

津渚敗船

可愛木蘭
資可憐
丹桂質逐浪
徒言是乘風
還自失
草蔓艖長埋
沙巨舩難出
陸沈成許去
無復乘流日

伏挺

字士操一云士標平昌安丘人博學有才思爲五言詩善效康樂體天監中除中軍參軍事遷

侍御史邵陵王爲江州携挺之鎮侯景亂中卒

行舟值早霧

水霧雜山烟冥冥不見天聽猿方忖岫聞瀨始知川漁

人惑澳

一作澳

浦行舟迷汭汭日中氛靄盡空水共澄鮮

高爽

廣陵人工屬文齊永明時舉孝廉天監初歷官臨川王參軍出爲晉陽令

寓居公廨懷何秀才

遜

寄止鄰城闕徒然失遊聚卧聞雜沓路坐對空寂宇風
扉乍開闔粉蝶時翻舞若人不在茲煩憂何得愈

詠鏡

初上鳳凰墀此鏡照蛾眉言照長相守不照長相思虛
心會不採貞明空自欺無言故此物更復對

玉臺作照新期

詠酌酒人

長筵廣末同上客嬌難逼還杯了不顧迴身正顏色

謝微

梁書作謝徵字玄度陳郡陽夏人好學善屬文初爲安成王法曹累遷中書鴻臚出爲豫章王

長史蘭陵太守

濟黃河應教

積陰晦平陸淒風結暮序朝辭金谷戍

一作樹

夕逗黃河

渚赤兔徒聯翩青鳬詎容與淚其聲難發悲多袖未舉
虛薄謬君恩方嗟別宛許

謝舉

字言揚陳郡陽夏人莊之孫幼好學
與兄覽齊名仕武帝時累遷尚書令

凌雲臺

綺甍懸桂棟隱曖傍喬柯勢高凌玉井臨迥渡金波易
覺涼風至早飛秋鴈過高臺相思曲望遠騷人歌幸屬
矚一作此迢遞知承雲霧多

何思澄

字元靜東海郟人少勤學工文辭爲安成王
記室天監十五年遷治書侍御史遷秣陵令

通事舍人出爲黟縣
令除武陵王參軍

奉和湘東王教班婕妤

寂寂長信晚
雀聲喧洞房
蜘蛛網高閣
駁蘚被長廊
虛殿簾幃靜
閑堦花藥香
悠悠視日暮
還復守空牀

擬古

故交不可忘
猶如蘭桂芳
新知雖可悅
不異茱萸香
妾有鳳皇曲
無非陌上桑
薦君君不御
抱瑟自悲涼

南苑逢美人

洛浦疑迴雪巫山似旦雲傾城今始見傾國昔曾聞媚
眼隨羞合丹脣逐笑分風捲葡萄帶日照石榴裙自有
狂夫在空持勞使君

孔翁歸

會稽人工爲詩
爲南平王記室

奉和湘東王教班婕妤

長門與長信日暮九重空雷聲聽隱隱車響絕瓏瓏恩
光隨妙舞團扇逐秋風鉛華誰不慕人意自難終

何子朗

字世明遜之宗人早
有才思卒於國山今

學謝體

桂臺清露拂銅陞落花沾美人紅粉罷攀鈎捲細簾思
君暫促柱玉指何纖纖未應爲此別無故坐相嫌

和虞記室騫古意

美人弄白日灼灼當春牖清鏡對蛾眉新花弄玉手燕
下拾池泥風來吹細柳君子何時歸與我酌樽酒

和繆郎視月

藝文作
虞騫

清夜未云疲珠簾聊可發泠泠玉潭水映見蛾眉月靡

靡露方垂暉暉光稍沒佳人復千里餘影徒揮忽

沈旋

字士規約之子累官給事黃門侍郎撫軍長史以清治稱謚恭侯

詠螢火

火中變腐草明滅靡恒調雨墜弗虧光陽昇反奪照泊
樹類奔星集草疑餘燎望之如可灼攬之徒有耀

沈超

字孝鯉約之次子位黃門郎

賦得霧

窈鬱蔽園林依霏被軒牖睇有始疑空瞻空復如有遊

蛇隱遙漢文豹棲南阜既殊三五輝遠望徒延首

詠雀

肌薄少滋腴色淺非丹翠不懼越王羞寧懷秦后珥傍
簷葺寒草循場啄餘穗且欣大厦成焉須鴻鵠志

古詩紀卷一百一

欽定四庫全書

古詩紀卷一百二

明 馮惟訥 撰

梁第二十九

費昶

江夏人善爲樂府嘗作鼓吹曲武帝重之勅曰才氣新拔有足嘉異賜絹十足

巫山高

巫山光欲晚

一作曉

陽臺色依依
彼美巖之曲
寧知心是

非朝雲觸石起
暮雨潤羅衣
願解千金珮
請逐大王歸

芳樹

幸被夕風吹屢得朝光照枝低疑欲舞花開似含笑長
夜路悠悠所思不可召行人早旋返賤妾猶年少

有所思

上林烏欲栖長門日行暮所思鬱不見空想丹墀步簾
動意君來雷聲似車度北方佳麗子窈窕能迴顧夫君
自迷惑非爲妾心妬

長門怨

向夕千愁起自悔何嗟及愁思且歸牀羅襦方掩泣絳

樹搖風軟黃鳥弄聲急金屋貯嬌時不言君不入

採菱曲

妾家五湖口采菱五湖側玉面不關妝雙眉本翠色日
斜天欲暮風生浪未息宛在水中央空作兩相憶

思公子

公子才氣饒凌雲自飄飄東出關雞道西登飲馬橋夕
宴銀爲燭朝燔桂作焦虞卿亦何命窮極苦無聊

發白馬

白馬
津名

家本樓煩俗召募羽林兒怖羗角觝戲習戰昆明池弓
弦不復挽劍衣恒露鉞一辭豹尾內長別屬車垂白馬
今雖發黃河未結澌寄言閨中婦逢春心勿移

行路難二首

前一首藝
文作吳均

君不見長安客舍門倡家少女名桃根貧窮夜紡無燈
燭何言一朝奉至尊至尊離宮百餘處千門萬戶不知
曙唯聞啞啞城上烏玉欄金井牽轆轤丹梁翠柱飛流
蘇香薪桂火炊雕胡

一作
彫菰

當年翻覆無常定薄命爲女

何必麤

君不見人生百年如流電心中均壞君不見我昔初入
椒房時詎減班姬與飛燕朝踰金梯上鳳樓暮下瓊鉤
息鸞殿柏梁晝夜香錦帳自飄颺笙歌棗下曲琵琶陌
上桑過蒙恩所賜餘光曲沾被既逢陰后不自專復值
程姬有所避黃河千年始一清微軀再逢永無議蛾眉
掩月徒自妍傳粉施朱欲誰爲不如天淵水中鳥雙去
雙飛長比翅

華觀省中夜聞城外擣衣

閭闔下重關丹墀吐明月秋氣城中冷秋砧城外發浮
聲繞雀臺飄響度龍闕宛轉何藏摧當從上路來藏摧
意未已定自乘軒裏乘軒盡世家佳麗似朝霞圓瑱耳
上照方繡領間斜衣薰百和屑鬢插九枝花昨暮庭槐
落今朝羅綺薄拂席捲鴛鴦開縵舒龜鶴金波正容與
玉步依砧杵紅袖往還縈素腕參差舉徒聞不得見獨
夜空愁佇獨夜何窮極懷之在心惻階垂玉衡露庭舞

相風翼瀝滴流星輝燦爛長河色三冬誠足用五日無
糧食揚雲已寂寥今君復弦直

和蕭記室春日有所思

芳樹發春輝蔡子望青衣水逐桃花去春隨楊柳歸楊
柳何時歸裊裊復依依已蔭章臺陌復掃長門扉獨知
離心者坐惜春光違洛陽遠如日何由見宓妃

春郊見美人

一本見作望

芳郊拾翠人迴袖捲芳春金輝起步搖紅綵發吹綸陽

陽蓋項日飄飄馬足塵薄暮高樓下當知妾姓秦

詠照鏡

晨暉照杏梁飛燕起朝粧留心散廣黛輕手約花黃正
釵時念影拂絮且憐香方嫌翠色故乍道玉無光城中
皆半額非妾畫眉長

和蕭洗馬畫屏風二首

蕭子範爲
太子洗馬

陽春發和氣

日靜班姬門風輕董賢館卷耳緣階出反舌登牆喚鶯

女桂枝鉤遊童蘇合彈拂袖當留客相逢莫相難

秋夜涼風起

佳人在河內征夫鎮馬邑零露一朝溥中夜兩垂泣氣
爽牀帳冷天寒針縷澁紅顏本暫時君還詎相及

詠入幌風

經堂

一作房

汎寶瑟乘隙動浮埃鏘金驅響至舉袂送芳

來能使蘭膏滅乍見珠簾開輕裾試一舉令子暫遲迴

到溉

字茂灌彭城武原人少與兄沼弟洽共知名起
家王國左常侍除尚書殿中郎建安太守累官

吏部尚書所歷以清白
自修武帝恩禮甚篤

餉任新安班竹杖因贈

邛竹藉舊聞靈壽資前識復有冒霜筠寄生桂潭側文
彩既斑斕質性甚綢直所以天天真爲有乘危力未嘗
以過投屢經芸苗植闕

答任昉

南史曰溉爲建安太守任
昉寄詩求二衣段溉答云

子衣本百結閩中徒八蠶假令金如粟詎使廉夫貧

秋夜詠琴

寄語調弦者客子心易驚離泣已將墜無勞別鶴聲

劉溉

字茂灌彭城人官散騎常侍御史中丞○見廣弘明集

儀賢堂監策秀才聯句

初學作到溉

雄州試異等揚庭乃專對顧學類括羽奇文若錦績

溉

滋蘭成秀畹照車光赤珮攝官惡簪帶疲疴謝名輩

盧

薜

乙奏飲餘列甲科光往載深奇無絕蹤孫董有遺騃

伏挺

春風涵宛轉遲光乍明昧列秀總中筵羣才盛皇

代王瑩

如綸疾影響裁蒲啓蒙昧雕龍既已彰青紫行

當佩

王顯

哀然既玉響高梁亦蘭綵廣川良易追溜水

非難配

貢士光相門搜賢盡幽塞善說理無窮借書

心靡誨

來彥各東西翼亮更出內康哉信在今伊余

事耕耒

後三首
闕名

庾仲容

字仲容潁川鄢陵人歷尚書左丞諮議
參軍出爲黟縣令太清亂客遊會稽卒

詠柿

發葉臨層檻翻英糝花藥風生樹影移露重新枝弱苑

朱正蔥翠梁烏未銷鑠

闕

庾丹

少有雋才爲桂州刺史蕭朗記室朗倨虐丹以直諫被害

秋閨有望

律祖作庾肩吾者非○下同

耿耿橫天漢飄飄出岫雲月斜樹倒影風至水迴文已
泣機中婦復悲堂上君羅襦曉長襜翠被夜徒薰空汲
銀牀井誰縫金縷裙所思竟不至持酒清夜分

夜夢還家

歸飛夢所憶共子汲寒漿銅瓶素絲綆綺井白銀牀雀

出丰茸樹蟲飛玳瑁梁離人不相見爭忍對春光

鮑泉

字潤岳東海人事元帝爲通直侍郎元帝承制累遷信州刺史以世子方諸刺郢州使泉爲長

史侯景遣兵襲之城陷被害

奉和湘東王春日

新鶯始新歸新蝶復新飛新花滿新樹新月麗新輝新
光新氣早新望新盈抱新水新綠浮新禽新聽好新景
自新還新葉復新攀新枝雖可結新愁詎解顏新思獨
氛氲新知不可聞新扇如新月新葢學新雲新落連珠

淚新點石榴裙

落日看還

妖姬競早春上苑逐名辰苔輕變水色霞濃掩日輪雕
甍斜落景畫扇拂遊塵衣香遙已度衫紅遠更新誰家
蕩舟妾何處織縑人

南苑看遊者

洛陽小苑地車馬盛經過綠溝駐行幃傍柳轉一作度鳴
珂履高含響佩襪輕半隱羅浮雲無處所何用轉橫波

江上望月

客行鈎始懸此夜月將弦川澄光自動流駛影難圓蒼
蒼隨遠色漾漾逐漪連無因轉還汎回首眷前賢

秋日

露色已成霜梧楸欲半黃燕去櫚恒靜蓮寒池不香夕
鳥飛向月一作日餘蚊聚逐光旅情恒自苦秋夜漸應長

詠梅花

可憐堦下梅飄蕩逐風迴度簾拂羅幌紫窓落梳臺乍

隨纖手去還因挿髮來客心屢看此愁眉斂詎開

詠薔薇

經植宜春館
霍靡上蘭宮
片舒猶帶紫
半卷未全紅
葉疎難蔽日
花密易傷風
佳麗新粧罷
含笑折芳叢

寒閨

行人消息斷
空閨靜復寒
風急朝機燥
鏡暗晚粧難
從來腰自小
衣帶就中寬

詠剪綵花

花生剪刀裏從來訝逼真風動雖難落蜂飛欲向人不
知今日後誰能逆作春

鮑機

北史鮑宏傳父機以才學知名仕梁位侍書御史

伍子胥

忠孝誠無報感義本投身日暮江波急誰憐漁丈人楚
墓悲猶在吳門恨未申

紀少瑜

字幼瑒秣陵人爲晉安國中尉大同七年引爲東宮學士復除武陵王記室參軍

遊建興苑

樂府作建興苑

丹陵抱天邑紫淵更上林銀臺懸百仞玉樹起千尋水
流冠蓋影風揚歌吹音踟躕憐拾翠顧步惜遺簪日落
庭光轉方憶屢移陰終言樂未極不道愛黃金

擬吳均體應教

庭樹發春輝遊人競下機却匣擎歌扇開箱擇舞衣桑
葢不復惜看花遽將夕自有專城居空持迷上客

月中飛螢

遠度時依幕斜來如畏牕向月光還盡臨池影更雙

詠殘燈

殘燈猶未滅，將盡更揚輝。唯餘一兩焰，纔得解羅衣。

褚翔

字世舉，河南陽翟人。終武帝世累遷吏部尚書。母喪，以毀卒。

鴈門太守行

三月楊花合，四月麥秋初。幽州寒食罷，鄭國采桑疎。便聞鴈門戍，結束事戎車。去歲無霜雪，今年有閏餘。月如弦上弩，星類水中魚。戎車攻日逐，燕騎蕩康居。大宛歸善馬，小月送降書。寄語閨中妾，勿怨寒牀虛。

褚澐

字士洋河南陽翟人初爲縣令清慎可紀仕至湘東王府參軍

詠柰

藝文作褚澐

成都貴素質酒泉稱白麗紅紫奪夏藻芬芳掩春蕙映
日照新芳叢林抽晚蒂誰謂重三珠終焉競八桂不讓
園丘中粲潔華庭際

賦得蟬

避雀芳

一作喬

枝裏飛空華殿曲天寒響屢嘶日暮聲愈

促繁吟如欲盡長韻還相續飲露非表清輕身易知足

張嶷

字四山吳郡人起家秘書郎累遷爲吳興太守死於侯景之難

短簫

促柱弦始繁短簫吹初亮舞袖拂長席鐘音由簾颺已落簷瓦間復繞梁塵上時屬清夏陰恩暉亦非望

陸山才

字孔章吳郡人歷散騎常侍遷西陽武昌二郡太守

刻吳閭門詩

南史曰張彪爲東陽州刺史征剡令王懷之遣沈泰等助謝岐居守泰反與岐迎陳文帝入城彪因其未定踰城而入陳文帝遂走彪復城守沈泰復說陳文帝遣張昭達領兵購之彪被劫殺彪友吳

中陸山才嗟泰等翻背
刻吳閶門爲詩一絕云

田橫感義士韓王報主臣若爲留意氣持寄禹川人

朱异

字彦和吳郡錢塘人始爲揚州議曹從事召直西省累遷中領軍勸納侯景降及侯景反城內

文武咸尤之因
慙憤發病卒

還東田宅贈朋離

應生背芒說石子河陽文雖有遨遊美終非沮溺羣曰
余今卜築兼以隔囂紛池入東陂水窓引北巖雲槿籬
集田鷺茅簷帶野芬一作氣原隰何邈迤山澤共氛氲蒼

蒼松樹合耿耿樵路分朝興候崖晚暮坐極林曠憑高
眺虹蜺臨下瞰一作曠耕耘豈直娛衰暮無得慰殷勤懷
勞猶未弭獨有望夫君

詠貧

藝文作
朱超

觸途皆可試惟貧獨未安窓開兩片月霜足一重寒
藁濕鋪牀冷荷脆補衣難若言爲客易推劍與君彈

田飲引

卜田宇兮京之陽面清洛兮背修邛屬風林之蕭瑟值

寒野之蒼茫鵬紛紛而聚散鴻冥冥而遠翔酒沈兮俱
發雲沸兮波揚豈味薄於東魯鄙蜜甜于南湘於是客
有不速朋自遠方臨清池而滌器關山牖而飛觴促膝
兮道故久要兮不忘間談希夷之理或賦連翩之章

王偉

洛陽人居潁川仕魏爲行臺郎後同侯景叛景
文檄並偉所製景敗偉走匿草中直瀆戍主黃

公喜禽送
江陵誅之


獄中贈人詩

南史曰偉被執送江陵於獄
中爲詩贈元帝下要人曰

趙壹能爲賦鄒陽解獻書何惜西江水不救轍中魚

在渭陽賦詩

平明聽戰鼓薄暮敘存亡楚漢方龍鬪秦關陣未央



古詩紀卷一百二

欽定四庫全書

集部

古詩紀卷一百三十四

詳校官檢討_臣德生

侍讀_臣孫球覆勘

總校官知縣_臣楊懋珩

校對官編修_臣吳裕德

謄錄監生_臣李廷對

欽定四庫全書

古詩紀卷一百三

明 馮惟訥 撰

梁第三十

王臺卿

梁南平王世子恪除雍州刺史賓客有江仲舉蔡遂王臺卿庾仲容四人俱被接遇按臺

卿詩多與簡文倡和廣弘明集曰州民前
臣刑獄參軍王臺卿○以下爵里無考

陌上桑四首

鬱鬱陌上桑盈盈道傍女送君上河梁拭淚不能語

鬱鬱陌上桑遙遙山下蹊君去成萬里妾來守空閨

鬱鬱陌上桑皎皎雲間月非無巧笑姿皓齒爲誰發
鬱鬱陌上桑裊裊機頭絲君行亦宜返今夕是何時

陌上桑

一云採桑玉
臺作蕭子顯

令月開和景處處動春心挂筐須葉滿息倦重枝陰

雲歌

玉雲初度色金風送影來
金生疑魄暗半去月時開
欲知無去所一爲上陽臺

一旦歌

樂府無名次
王臺卿詩後

一旦被頭痛避頭還著牀自無親伴侶誰當給水漿
匍匐入山院正逢虎與狼對虎低頭啼垂淚淚千行

和簡文帝賽漢高祖廟

沐芳事椒醕駕言遵壽宮瑤臺斜接岫玉殿上凌空
樹出垂巖影竹引帶山風階長霧難歇窓高雲易通
所悲樽俎撤按歌曲未終

奉和望同泰寺浮圖

和簡文
下同

朝光正晃朗涌塔標千丈儀鳳異靈烏金盤代仙掌
積

拱成雕桷高簷挂珠網寶地若池沙風鈴如樹響刻削
生千變丹青圖萬象烟霞時出沒神仙乍來往晨霧半
層生飛幡接雲上遊蛻不敢息翔鵠詎能仰讚善資哲
人流詠歸明兩願假舟航末彼岸誰云廣

奉和往虎窟山寺

我王宗勝道駕言從所之輜軒轉朱轂驪馬躍青絲清
渠影高蓋遊樹拂行旗賓徒紛雜沓景物共依遲飛梁
通澗道架宇接山基叢花臨迴砌分流繞曲墀誰言非

勝境雲山獨在茲
塵情良易著
道性故難緇
承恩奉教
義方當弘受持

奉和泛江

初學英華
並作庾信

春江下白帝
畫舸向黃牛
錦纜迴沙磧
蘭橈避荻洲
濕花隨水泛
空巢逐樹流
建平船楫下
荆門戰艦浮
岸社多喬木
山城足迴樓
日落江風靜
龍吟迴上游

山池應令

和簡文

歷覽周仁智
登臨歡豫多
穿渠引金谷
闢道出銅駝
長

橋時跨水曲閣乍臨波巖風生竹樹池香出芰荷石幽
銜細草林末度橫柯

詠風

浸淫不可識去來非有情乍見珠簾捲時覺洞房清暫
拂蘭池上澹淡玉波生一辯雄雌異還惡庶人輕

詠箏

依歌時轉韻按曲動花鈿促調移輕柱亂手度繁絃惟
有高秋月秦聲未可憐

同蕭治中十詠二首

蕩婦高樓月

空庭高樓月非復三五圓何須照牀裡終是一人眠

南浦別佳人

斂容送君別一斂無開時只應待相見還將笑解眉

詠水中樓影

和簡文

飄飄似雲度亭亭如蓋浮熟看波不動還是映高樓

臨滄波

高軒臨不測清江窮廣深天邊生岸影水上結雲陰風
來白華起潮滿黃沙沈

闕

王同

長安有狹邪行

名都馳道傍華轂亂鏘鏘道逢佳麗子問我居何鄉我
家洛川上甲第遙相望珠扉玳瑁牀綺席流蘇帳大子
執金吾次子中郎將小子陪金馬遨遊茂卿相三子俱
休沐風流鬱何壯三子俱會同肅雍多禮讓三子俱還

室絲管紛嘹亮大婦裁舞衣中婦學清唱小婦窺鏡影
弄此朝霞狀佳人且少留爲君繞梁唱

奉和往虎窟山寺

和簡文

美境多勝迹道場實茲地造化本靈奇人功兼製置房
廊相映屬堦閣並殊異高明留睿賞清淨穆神思豫遊
窮嶺歷藉此方春至野花奪人眼山鶯紛可喜風景共
鮮華水石相輝媚法像無塵染真僧絕名利陪遊既伏
心聞道方刻意

朱記室

送別不及贈何殷二記室

憑軾徒下泪裁書路已賒
遠鼓依林響連檣倚岸斜
山開雲吐氣風憤浪生花
即此余傷別何論爾望家
二君勗琬琰無使沒泥沙

何寘南

答何秀才

自憐耿不寐擁褐至宵闌
蒼茫曙月落切戾曉風酸
終

朝長守饑壘夜抱餘寒周道坦且直弱命湔將殫靈臺
聊寄止戚里豈餘歡思家無積斂何以拯急難

沈繇

答何郎

歡戚遞來事聚散居常理但傷膠投漆忽作弦離矢形
影一東西山川俄表裏執手涉梁上悲心萬端起方同
兒女泣况此流潮水

孫擢

答何郎

幽居少怡樂坐靜對嘉林
晚花猶結子新竹未成陰
夫君阻清切可望不可尋
處處多護草賴此慰人心

江革

贈何記室聯句不成

龍鱗無復彩鳳翅於茲鍛疇昔似翩翩
今辰何乙乙

又贈何記室

刻猴雖言巧辯對今知章且欣共卮酒
勿道濫衣裳

李鏡遠

詠日

始臨東嶽觀俄升若木枝
萍實詎傳彩合扇且慙規
北林耿初曜圓窓鑒早曦
照庭餘雪盡映簷溜滴垂徘徊
匝花樹煜燦滿春池
柳陰栽靡靡簾影復離離
曾泉豈亭舍

淮南子曰日至曾泉是爲早食

桑榆忽在斯迴戈安得中長繩不

可羈冲情愛景落清宴惜光馳溫暉徒已荷深心竊自

知

蜨蝶行

青年已布澤微蟲應節歡朝出南園裏暮依華葉端菱
舟追或易風池度更難羣飛終不遠還向玉階蘭

朱超道

朱超朱超道朱越各詩集所載名多互見疑
是一人之作今從詩彙併載而於各題下仍

分註本名
以俟考訂

採蓮曲

朱超

豔色前後發緩櫂去來遲看妝礙荷影洗手畏菱滋摘
除蓮上葉托出藕中絲湖裏人無限何日滿船時

贈王僧辨

朱超

故人總連率方舟下漢池
玉節交橫映金鏡前後吹聚
圖匡漢業傾產救韓危
昔時明月夜蔭羽切高枝冲天
勢已遠控地力先疲
各言獻捷後幾處泣生離

別劉孝先

朱超道○詩彙
作何遜者非

疲痾積未瘳伏枕倦長愁
復念夜分首江上值徂秋陰
凝變遠色落葉泛寒流
繁霜積曉纜輕冰繞夜舟
曳裾出鬼苑引領望龍樓
勿念經臺側無爲戚情遊

別席中兵

朱超道

數年共棲息一旦各聯翩莫論行近遠終是隔山川長
波漫不極高岫鬱相連急風亂還鳥輕寒靜暮蟬扁舟
已入浪孤帆漸逼天停車對空渚悵

集作長

望轉依然

夜泊巴陵

朱超

月夜三江靜雲霧四邊收淤泥不通挽寒浦劣容舟迴
風折長草輕冰斷細流古村空列樹荒戍久無樓

歲晚沉疴

朱超道

風將夜共靜空與月俱明燭滴龍猶伏鑪開鳳欲驚葉
飛林失影冰合澗無聲太息興牀念寧敢離衣行唯畏
殘藤盡不聞桴鼓鳴

對雨

朱起

當夏苦炎埃習靜對花臺落照依山盡浮涼帶雨來重
雲吐飛電高棟響行雷灑樹輕花發滴沼細萍開汎沫
繁堦草奔流起砌苔無因假輕蓋徒然想上才

詠同心芙蓉

朱起

青山麗朝景玄峯朗夜光未及清池上紅蕖並出房日
分雙蒂影風合兩花香魚驚畏蓮折龜上磯荷長雲雨
留輕潤草木隱嘉祥徒歌涉江曲誰見緝爲裳

奉和登百花亭懷荆楚

和元帝
朱超道

亭高登望極春心遠近同莫恨荆臺隱雲行不礙空柳
色浮新翠蘭心帶淺紅若因鵬舉便重上龍門中

賦得蕩子行未歸

藝文作朱越玉
臺作朱超道

坐樓愁出望息意不思春無奈園中柳寒時已報人捉

梳羞理髮挑朱懶向脣何當上路晚風吹還騎塵

舟中望月

朱超

大江濶千里孤舟無四隣唯餘故樓月遠近必隨人入
風先透暈排霧急移輪若教長似扇堪拂艷歌塵

詠孤石

朱超

侵霞去日近鎮水激流分對影疑雙闕孤生若斷雲逼
風靜華浪騰烟起薄暝雖言近七嶺獨立不成羣

詠鏡

朱超道

折花須自挿不用暫臨池當由可憐面偏與鏡相宜安
釵釧獨響刷髮袖俱移唯餘心裏恨影中恒不知

詠貧

初學作朱昇
藝文作朱超

觸途皆可試惟貧獨未安窓開兩片月霜足一重寒藁
濕鋪牀冷荷脫補衣難若言爲客易推劍與君彈

詠剪綵花

朱超

淺深依樹色舒卷聽人裁假令春已度終住手中開

城上烏

朱超

朝飛集帝城猶帶

一作

夜啼聲近日毛雖煖聞弦心尚

驚

詠獨栖鳥

朱超

河水聞寒已成凍塞草愁霜懸自衰可念無端失林鳥
此夜逆風何處歸列網遮山不聽度懸冰繞樹滑難依
細石似鷺能隨雨片木作鷺猶解機但令積風多少便
何患有翼不能飛寄語故林無數鳥會入羣裏比毛衣

戴嵩

釣竿

英華作劉孝威今從樂府

試持玄渚釣暫罷池陽獵翠羽飾長綸藻花裝小艤鉤
利斷蓴絲帆舉牽菱葉聊載前魚童還看後舟妾

君子行

畫野依德星開鄺對廉水接越稱交讓連樹名君子數
非唯二尖升階無三止探甌不疑塵正冠還避李寄言
遽伯玉無爲嗟獨恥

從軍行

長安夜刺閨

夜警按刺於門也

胡騎白銅鞮詔書發隴右召募

取關西劍懸三尺鞘鎧累七重犀督軍鳴戰鼓巡夜數

更鞞侵星出柳塞際晚入榆溪秦涇含藥鳩晉火逐飛

鷄通泉開地道望敵豎雲梯陰山日不暮長城風自淒

弓寒折錦鞮

鞮字林云雜錦以被弓也

馬凍滑斜蹄燕旗竿上脆羗

笛管中嘶登山試下趙憑軾且平齊當今函谷上唯用

一丸泥

煌煌京洛行

欲知佳麗地爲君陳帝京由來稱俠窟爭利復爭名鑄
銅門外馬刻石水中鯨黑龍過飲渭丹鳳俯臨城羣公
邀郭解天子問黃瓊詔幸平陽第騎指伏波營五侯同
拜爵七貴各垂纓衣風飄飄起車塵暗浪生舞見淮南
法歌聞齊后聲揮金留客坐饌玉待鐘鳴獨有文園客
偏嗟武騎輕

月重輪行

初學作戴嵩
或字誤也

皇基屬明兩副德表重輪重輪非是暈桂滿自恒春海

珠含更滅階螢翳且新婕妤比團扇曹王壁洛神浮川
疑讓一作壁入戶類燒銀從來看顧鬼不曾聞鬪麟北
堂豈盈手西園偏照人

神仙篇

徒聞石爲火未見坂停丸暫數盈虛月長隨晝夜瀾辭
家試學道逢師得姓韓閭山金靜室蓬丘銀露壇安平
醞仙酒渤海轉神丹初飛喜退鳳新學法乘鸞十芒生
月腦六燄起星肝流一作飛瓊播疑俗信玉類陽官玄都

宴晚集紫府事朝看謝手今爲別進憐此俗難

車馬行

鞏洛風塵處冠蓋相填咽多稱魏其冷競隨田蚡熱輪
趣白虎第珂聚黃金穴獻酒悲葡萄訓言盡飛鐵東都
虵已鑄西山綬應結期集類蒸煙晚至如吹雪子雲爾
何事門巷無車轍

度關山

昔聽隴頭吟平居已流涕今上關山望長安樹如薺千

里非鄉邑四海皆兄弟軍中大體自相褒其間得意各
分曹博陵輕俠皆無位幽州重氣本多豪馬銜苜蓿葉
劍瑩鷗鵠膏初征心未習復值鴈飛入山頭看月近草
上知風急笛喝曲難成笳繁響還溢武帝初承平東伐
復西征薊門海作塹榆塞永爲城催令四校出倚望三
邊平箭服朝來動刀環臨陣鳴將軍一百戰都護五千
兵且決雄雌眼前利誰道功名身後事丈夫意氣本自
然來時辭第已聞天但令此身與命在不持烽火照甘

泉

詠歌眠

拂枕薰紅氎迴燈復解衣傍邊知夜永不喚定應歸

沈君攸

後梁人

採桑

南陌落花移蠶妾畏桑菱逐便牽低葉爭多避小枝摘
駛籠行滿攀高腕欲疲看金怯舉意求心自可知

採蓮曲

平川映晚霞蓮舟泛浪華衣香隨岸遠荷影向流斜度
手牽長柄轉櫂避踈花還船不畏滿歸路詎嫌賒

薄暮動弦歌

柳谷向夕沈餘日蕙樓臨砌徙斜光金戶半入藜林影
蘭徑時移落藥香絲繩玉壺傳綺席秦箏趙瑟響高堂
舞裙拂履喧珠珮歌響出扇繞塵梁雲邊雪飛弦柱促
留賓但須羅袖長日暮歌鍾恒不倦處處行樂爲時康

羽觴飛上苑

上路薄晚風塵合禁苑初春氣色華石徑斷絲開蔓草
山流細沫擁浮花外編作槎魚文熠燿含餘日鶴蓋低昂照
落霞陽樹銀鞍喧寶馬分衢玉軸動香車車馬處處盡
成陰班荆促席對芳林藤杯屢動情仍暢翠樽引滿趣
彌深山陽倒載非難得宜城醇醞促須斟半醉驪歌應
可奏上客莫慮擲黃金

桂楫泛河中

黃河曲注通千里濁水分流引八川仙查逐源終未極

蘇亭

一作漢帝

遺跡上難遷眇眇雲根侵遠樹蒼蒼水氣合

遙天波影雜霞無定色湍文觸岸不成圓赤馬青龍

一作

驪

交出浦飛雲蓋海遠凌煙蓮舟渡沙轉不礙桂楫距

浪弱難前風急金烏翅自轉汀長錦纜影微懸榜人欲
歌先扣柁津吏猶醉強持船河隄極望今如此行杯落
葉詎虛傳

雙鷺離

雙鷺雙飛雙情相思容色已改故心不衰雙入幕雙出

惟秋風去春風歸幕上危雙鷺離銜羽一別涕泗垂夜
夜孤飛誰相知左回右顧還相慕翩翩桂水不忍渡懸
目挂心思越路縈鬱摧折意不泄願作鏡鷺相對絕一作

孤鷺鏡
中絕

賦得臨水

開筵臨桂水携手望桃源花落圓文出風急細流翻光
浮動岸影浪息累沙痕滄波自可悅濯纓何用論

同陸廷尉驚早蟬

日暮野風生林蟬候節鳴望枝疑數處尋空定一聲地
幽吟不斷葉動噪羣鷺獨有河陽令偏嫌秋翅輕

夜出妓

簾間月色度燭定妓成行迴身釧玉動頻履珮珠鳴低
衫拂鬟影舉扇起歌聲匣中曲猶奏掌上體應輕

詠冰應教

日華照冰彩灼爍自相明陰潭欲半解陽岸已全輕未
釋苔文隱將銷草氣生稍得觀魚上非獨見狐鷺儻逢

魏后術當驗可爲城

施榮泰

玉臺作
施泰榮

王昭君

垂羅下椒閣舉袖拂胡塵唧唧撫心嘆蛾眉誤殺人

雜詩

趙女修麗姿燕姬正容飾粧成桃毀紅黛起草慙色羅
裙數十重猶輕一蟬翼不言穀袖輕專歎風多力鏘珮
玉池邊弄笑銀臺側折柳貽目成採蒲贈心識來時嬌

未盡還去媚何極

高允生

樂府列
梁人中

王子喬行

仙化非常道其義出自然王喬誕神氣白日忽升天
晻曖御雲氣飄飄乘長烟寄想崆峒外翱翔宇宙間
七月有佳期控鶴崇崖巔永與時人別一去不復旋

百里奚歌

羈旅入秦庭始得收顯曜釋褐出輜車卓爲千乘道豔

色進華容繁弦發徵調居貴易素心翻然忘久要裝金
五羊皮寫情陳所告豈徒望自傷念君無定操

王循

晨風行

霧開九曲瀆風起千金堤岸回分野逕林際成牛蹊
隨落潮去日傍綺霞低望日輕舟隱瑟瑟遠寒悽還眺
小平急宴語方難齊

房篆

金樂歌

前溪流碧水後渚映青天登臺臨寶鏡開窓對綺錢玉
顏光粉色羅袖拂金鈿春風散輕蝶明月映新蓮摘花
競時侶催指及芳年

裴憲伯

朱鷺

秋來懼寒勁歲去畏冰堅羣飛向葭下奮羽欲南遷暫
戲龍池側時往鳳樓前所歎恩光歇不得久聯翩

庾成師

遠期篇

憶別春花飛已見秋葉稀
淚粉羞明鏡愁帶減寬衣
得書言未反夢見道應歸
坐使紅顏歇獨掩青樓扉

車敝

隴頭水

隴頭征人別隴水流聲咽
只爲識君恩甘心從苦節
雪凍弓弦斷風鼓旗竿折
獨有孤雄劍龍泉字不滅

洛陽道

洛陽道八達洛陽城九重重關如隱起雙闕似芙蓉王
孫重行樂公子好遊從別有傾人處佳麗夜相逢

驄馬

驄馬鏤金鞍柘彈落金丸意欲驂驪樂府作走先作野

遊盤平明發下蔡日中過上蘭路遠行須疾非是畏人
看

車遙遙

玉臺作傳玄

車遙遙兮馬洋洋追思君兮不可忘君安逝兮西入秦
願將微影隨君身君在陰兮影不見君仰日月妾所願
姚翻

同郭侍郎採桑

鴈還高柳北春歸洛水南日照茱萸領風搖翡翠簪
一作桑間視欲暮閨裏遽饑蚕相思君助取相望妾那堪

阮研

一作妍

權歌行

芙蓉始出水綠荇葉初鮮且停白雪和共奏激楚絃平
生此遭遇一日當千年

欽定四庫全書

古詩紀
卷一百三

古詩紀卷一百三